

Variationes in Divino Officio juxta rubricas Joannis PP XXIII

Proprium de Tempore

In Dominicis Temporis Adventus, dicitur singulus Versus :

℣. Ex Sion spēs decōris ejus.

℟. Deus noster manifēste véniet.

In Dominicis per annum, dicitur singulus Versus :

℣. Prævenérunt óculi mei ad te dilúculo.

℟. Ut meditárer elóquia tua, Dómine.

In Dominicis Temporis Quadragesimæ, dicitur singulus Versus :

℣. Ipse liberávit me de láqueo venántium.

℟. Et a verbo áspero.

In Dominicis Temporis Passionis, dicitur singulus Versus :

℣. Erue a frámea, Deus, ánimam meam.

℟. Et de manu canis únicam meam.

In Dominicis Temporis Paschalis, dicuntur novem Psalmi sub singula antiphona Alleluia lapis revolutus est, et singulus Versus :

℣. Surréxit Dóminus de sepúlcro, allelúia.

℟. Qui pro nobis pepéndit in ligno, allelúia.

In Dominica post Ascensionem, dicuntur novem Psalmi de Dominica sub singula Antiphona Allelúia, allelúia, allelúia, et singulus Versus :

℣. Ascéndit Deus in jubilatióne, allelúia.

℟. Et Dóminus in voce tubæ, allelúia.

Proprium Sanctorum

In Festis III classis dicuntur Psalmi et Versus de Feriæ, aut Psalmi proprii, secundum rubricas. Si dicuntur Psalmi proprii, dicitur singulus Versus ut datur in tertio Nocturno Festi. Omittuntur vel transferuntur Festa, secundum Kalendarium.